

Rani mo limarave
mo lo toho vara i
tikeli na rani
Passover. Iesu mo mele
sivo Bethany, taon atu sei
Iesu mo lo vai Lazarus mo lo
turu na mateia ea. Ale Mary
mo lavi na potele hasori
řuhu matea sohena sope
lita matea, ale volina mo tavera jea,
ale mo rengia na palon Iesu, ale mo
kamotira na vuluna, ale ponana řuhu
mo mařivisi na lolo ima.



Judas Iscariot, vonan la tupu sangavulu ũromana mo rua
atu matea, mo vano isana pŕis aulu nona tavitavin
Israel, matan vara i tau lesu na
limara. Pŕis aulu la avulahi jea
matana, ale la retitauhi vara
la pa voli Judas matana.
Judas mo tapulo aleale
masapa vara i pa sile
lesu i vano isara
hinia.



Ale nona tamlohi usuri la vaia
sohena mo vere a isara, ale la
tatamahuni na hanhani Passover.
Ale lara la lo hanhani, Iesu mo lavi
na pereti mo topea mo vere meje
isan God matana, ale mo silea isana
nona tamlohi usuri, ale mara,
“Ha lavia, ha hania, enia epeku.”



Ale mo tauri na paniken matea,
mara mo vere meje isan God,
mo silea isara mara, “Ha inu hinia,
kamim mo isoiso, matan harihi enia
řaeku mata retitauhi God mo vaia
matan vara řaeku i pa roro matan
vara i řomi na hehe nona tamlohi
matuvana.”



“Simon, Simon, o lo levosahia vara Setan mo usia
ñilangi vara i pa laviho matan vara i hutehutehiho
sohena tamlohi mo lo asehi na piri wit, pani na usiusi
moiso matam matan vara nom rasua i pa sopo jovi, ale
hin rani atu sei ko mele posi, o pa tueni na voraim vara
la turu ñilangi.”



Peter mo vereia isana mara, “Moli, enau na tatamaha
vara a vano peresiho na ima ñilangi, teni a mate
matam.” Iesu mo vereia mara, “Varañuhu na vereia isam
Peter, toa i sopo lo tarere nohorihhi vavano, i tikeli rani
atu ko vunvunia vaha tolu vara ko sopo levosahiau.”



Moiso, Iesu mo vano peresira na jara matea hijana Gethsemane, ale mo vere a isana nona tamlohi usuri mara, “Ha sakele nika tako, a pa vano sevano a ususi.” Ale Iesu mara, “Tata! Tamaku! Ko efi vai na hinau tari. O lavi nafihi na noku rani rilangi nika, pani o sopo vaia sohena masaloku, pani sohena masalom.”



Ale Judas mo vano hin talu olive atu peresi na tamlohi
vuro hai nona mara Rome peresi na police mata
Temple. Nora moli mata p̄ris peresi na
Pharisee la ãruler. La lavi na hapu jilangi,
lamu peresi na hinau mata valum,
ale la mai isan Iesu.


Ale vonara matea mo langa
nañihi na peron volitusi non
p̄ris aulu. Pani Iesu mara,
“Ha isoiso!” ale mo tikeli
na perona, ale mo mele
soãoa vano na patuna.



Moiso la taurilatia, la tiroma hinia la malue la vano na iman p̄ris aulu, ale Peter mo lo usurira asau makomona. Ale lara la vai na hapu matea na livuha jara na lolon rope ima atu moiso, la sakele řalihia ale Peter mo vano mo sakele peresira.



Slev matea non p̄ris aulu
tahisan haratu sei Peter
mo lo langa na
perona, mo usia mara,
“Mo sopo engko sei na
hiteho na talu olive
peresi tamlohi nike?” Peter
mo mele vunvunia, ale
vahatea purongo, toa vari
matea mo tarere. Ale mo malue
mo sahe na jingoima mo tangi
huruhuru.




Moiso enira mo isoiso la turu, ale la lavi Iesu mo vano isan Pilate. Ale Pilate mo usia isana mara, “Engko Supe nona Jew?” Ale mo ñaramia mara, “Engko ko vereea moiso.” Pilate mo mele sile na retireti isara matan mo opoia vara i tinañihi Iesu, pani la lo ulo toho lara, “Ha vosaea na talopeilopei!

Ha vosaea na talopeilopei!”



Ale Pilate mo tau Iesu na limara
vara la pa vosaea na talopeilopei.
La tauri Iesu la tiroma hinia, ale la
lavi Iesu mo vano, ale enia mo
hasena lavi na talopeilopei, mo
malue la vano hin jara atu la tovia
vara, 'Jara Patusui Tamlohi' na
leon tavitavuin Israel la tovia
Golgotha.



Hin jara atu natu la vosaea
na talopeilopei peresi na
tamlohi tinapua mo rua na
tavaluna, Iesu na livuhara.



Matan alo mo sangavulu ãromana mo rua na rani tavera,
ale ãrõroha tavera mo tahavuni jara tavera atu mo tikeli
na matan alo mo tolu na ravravi matan mera alo mo
tihai. Ale ruru tavera atu mo lo horo
na jara tapu mo tapu jea na
lolo Temple, mo mañari mo
rua. Moiso Iesu mo ulu aulu
mara, “Tata, na tau na
mauriku na limam!” Mara
mo vereva moiso
maromarona mo isoiso.




Joseph mara Arimathea, enia
tamlohi aulu matea mata nora
council tavera, ale enia matea
sei mo lo kilau toho matan
mauri atu God mo aulu
hinia vara i pala. Ale
řomina mo řilangi
mo mai mo turu na
nahon Pilate mo

usia vara i
lavi na tarapen
lesu. Joseph mo
vano mo voli na ruru
lulu matea. Mo juri na
tarapen lesu aulu na
talopeilopei mo sivo
atano.



Mo leputia na ruru. Mo lavi na
tarapen Iesu mo taua na papa
vatu matea enia mo taia.
Mo tai na pelatina vatu
tavera matea vara
mataruana.



Mo mele rani sahe, hin
rani atu mo usuri na rani
mata Tatamahu mata
Passover, moli mata
p̄ris peresi na Pharisee
la pulutahi na nahon
Pilate.



Ale lara, “Tamlohi tavera, kama
řomřomia vara tamlohi halu atu mo
verea na rani mo pa lo
mauri mara, ‘Rani i tolu i
vano moiso, a pa mele
turu’. Ale la vano la
kaluti horo na vatu
mataruan taptap
atu, ale la tau na
tamlohi

kilau la
lo kilaua.”



Sabbath mo isoiso, ale mariviti vara i
rani na řalavuho na Sunday, ale
Mary Magdalene peresi Mary
tinapua atu matea la vano
vara la hitea na tapuna.

Vahatea purongo mihi
tavaera matea mo
vili na jara, ale
angelo non Moli

God matea mo
sevuti na tuka.
Mo kuresi nařihi
vatu atu, ale mo
lo sakele aulu
hinia.



Pa la tamlohi kilau atu la
savaravara na matahu la
jovi na lepa sohen la mate.




Angelo atu mo vereea isan la hañrai atu mara, “Ha sopo matahu! Na levosahia vara ka lo ale Iesu, haratu la vosaea na talopeilopei. Enia mo sopo toho nike. God mo sauteterahia moiso, mo mele mauri, mo sohen haratu Iesu mo vereea

vara i pa sohena. Ha mai, ha hite na jara sei la tau na tarapena ea.”



Pa la hārai la matahu, pani la avulahi
tavera na rani la malue na tapuna,
la maro vila vara la vano la vereā
isana nona tamlohi usuri. Vahatea
purongo Iesu mo tapaira mo sile
na retioloōlo isara. La vano
mariviti isana, la popovitoho
la tauri na palona, la lotua.





Hitahuna Iesu mo pala isan la tupu sangavulu ũromana matea atu lara la lo hanhani. Ale mo reti ũrilangi isara matan mo sopo te nora rasua, ale mata ũromira mo ũrilangi jea. Mo reti ũrilangi sohena matan la sopo rasu la haratu sei la hitea vara mo mele mauri. Iesu mara mo vere la hinau atu isara mo isoiso, God mo lavi naŕihia mo sahe aulu na tuka, ale mo sakele na jara mata suiha na matuan God.



Matan God mo opoi na tamlohi na
varama sohen harihi: mo sile Natuna
sei enia vorahese, vara sava tamlohi
mo rasua i pa sopo vano na komo,
pani i pa lavi na mauri tui.



Romans 3:23 matan tamlohi tari la lo vai na hehe, la toho asau na hina řuhuřuhu sei non God hasena,

Romans 6:23 Matan voli hehe enia mateia, pani otori non God sei mo lo sile purongoia, enia mauri tui hin Křisto Iesu nořa Moli.

Hebrews 9:27 Ale God mo taua vara tamlohi hatehateahi la pa mate vahatea, ale hitahuna la pa turu na aria,

Ephesians 2:8,9 Matan kamim ka lo juri usuri na nona řomřuhu na rasua, kamim hasemim ka sopo vaia, God sei mo sile purongoi otori nike isařa; mo sopo juri kamim mata nomim vavahinau, mo vono matan vara tea i sopo eři mangisi matana.



Romans 10:9,10 Matan, vara o taviti na jingom vara Iesu enia Moli, ale o rasua na mapum vara God mo sauteterahia na mateia, o pa juri. Matan rasua na mapum purongo, enia natu, mo vaiho ko tataholo na nahon God, ale ko pa juri matan ko taviti na jingom.

John 3:16,17 Matan God mo opoi na tamlohi na varama sohen harihi: mo sile Natuna sei enia vorahese, vara sava tamlohi mo rasua i pa sopo vano na komo, pani i pa lavi na mauri tui. Matan God mo sopo ũrule Natuna na varama vara i ari na tamlohi, mo vono. Mo ũrulea vara i jurira hinia.

1 John 5:11-13 Ale vereulia atu mo sohen harihi: God mo sile na mauri tui moiso, mauri tui atu mo lo toho isan Natuna. Ale vara haratu mo lavi Natun God mo lavi na mauri tui, pani haratu mo sopo lavi Natun God, mo sopo lavi na mauri tui. Na lo uliuli isan la haratu la rasu Natun God, matan vara ha pa levosahia i ũruhu vara kamim ka lavi na mauri tui moiso.



Matthew 26-28; Luke 22-24; John 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Tangoa NT (tgp) © 2009, Wycliffe Bible Translators, Inc. All
rights reserved.

<https://live.bible.is/bible/TGPWBT/MAT/1>

©2025 Bible for Children, Inc.

www.M1914.org

www.bibleforchildren.org

